

ՄԵՐ ՀԱՅՐԵՐՈՒՆ ԽՐԱՏՆԵՐԸ

ՀԱՅՀՈՅՈՂՆԵՐՈՒ ՄԱՍԻՆ

Մեծ եւ անփափկ մեղք է հայհոյանքը եւ աւելի չար՝ քան Ադամէն մինչեւ այսօր բոլոր հեթանոսները, որոնք ժողովով նգովուած են: Մեծագոյն հեթանոսը հայհոյանքն է, որ բոլոր մոռցուած մեղքերն ու չարիքները յիշել կու տայ Աստուծոյ, հրեշտակներուն ու սուրբերուն. կը դողացնէ Աստուծոյ արարածները եւ գարշելի ու զագիր հոտով կը լեցնէ երկիրը:

Հայհոյողները կը փակեն Աստուծոյ ողորմութեան դուռը, թոյլ չեն տար Արարիչին, որ ողորմած աչքով իր արարածները տեսնէ եւ կ'արգիլեն սուրբերուն, որ բարեխօս ըլլան աշխարհին համար: Այս ձեւով քրիստոնէական անունը եւ քրիստոնէութեան անհատ խորհուրդը կը նախատուի եւ ասոր համար է, որ Քրիստոս ըսաւ. «Ան որ Ա. Հոգիին հայհոյէ, պիտի չնեղուի անոր ո՛չ այս աշխարհին եւ ո՛չ հանդերձեալին մէջ (Մտք. 12.33):

Քրիստոս այս աշխարհին մէջ ոչ ոքի իշխանութիւն տուած է ներելու հայհոյողին: Միւս աշխարհին մէջ եւս ոչ ոք կը համարակի բարեխօսել՝ ո՛չ հրեշտակները ո՛չ ալ սուրբերը, այլ՝ աշխարհաստեղծ բերնի անէծքներով դեւերուն հետ գեհեմի անշիջանելի հուրը կ'երթայ: Իսկ այս կեանքին մէջ այնքան ատեն, որ կենդանի է, բոլոր սուրբերը կը նգովեն այնպիսին: Աստուածախօս եւ մեծ մարգարէն Մովսէս նգոված է հայհոյողը՝ իր ամբողջ ունեցածով եւ նիստ ու կաղով: Նոյնը ըրած են բոլոր սուրբերը: Արդարեւ, ո՞վ չի նգովեր Աստուծոյ Աթոռին հայհոյողն ու զայն դողացնողը:

ԵՔԷ ԱՆԻՐԱՌՈՒԱԾ ԵՍ ԱՐԴԱՐՈՒԹԻՒՆ ԿԸ ՓՆՏՈՒՆ ԿԱՐԴԱ՝ Սաղմոս 26

Արդարութիւնը ըրէ ինձի, Տէ՛ր, անմեղ եմ ես. մեզի՝ Տիրոջ վստահեցայ, եւ պիտի չսասանիմ: Փորձէ՛ զիս Տէ՛ր, քննէ՛ զիս. քու կրակովդ փորձէ՛ ցանկութիւնները սրտիս եւ խորհուրդները մտքիս: Որովհետեւ ողորմութիւնդ չհանեցի ես միտքէս, եւ ապրեցայ՝ միշտ քեզի հաւատարիմ մնալով: Անպէտ մարդոց ընկերութիւն չըրի՛ ես, կեղծատրին հետ բնա՛ գործ չունեցայ: Ատեցի միշտ հաւաքոյթը չարերուն ամբարիշտին հետ բարեկամ եւ չեղայ: Որպէս նշան անմեղութեան՝ պիտի լուսն ձեռքերս, եւ սեղանին շուրջ դառնալով՝ սպասարկեմ քեզի, Տէր: Գոհութեան ե՛րգ պիտի երգեմ եւ քեզի, եւ քու բոլոր սքանչելի գործերդ պիտի թուեմ: Տէ՛ր, կը սիրեմ վայելչութիւնը տանող, այս յարկին, ուր քու փառքդ կը բնակի: Ամբարիշտներուն եւ ոճրագործին հետը միասին զիս ալ կորուստի մի՛ դատապարտեր: Անօրէնութեան լի են անոնց գործերը, եւ անոնց ձեռքերը՝ կաշառքով լեցուն: Բայց անմեղ եմ ես, ողորմէ՛ ինձի եւ փրկէ՛ զիս, Տէ՛ր: Անսայթա՛ք պահէ՛ իմ քայլերս միշտ, եւ ես խմբուած ժողովորդիդ հետ՝ քե՛զ պիտի օրհնաքանեմ:

Միրելի ընթերցող, ՃՐԱԳ թերթը ամէն Կիրակի կը բաժնուի մեր ժողովորդին, եկեղեցիներու բանկալին մօտ: Նաեւ՝ Facebook-ի վրայ փնտռել «Jerak կամ ՃՐԱԳ», ապա սեղմել «Like»-ը, կարդալու կամ անդամագրուելու համար:

ՀԱՍՅԷ.

ՃՐԱԳ ՇԱԲԱԹԱԹԵՐԹ - ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ - Bourj-Hammoud, P.O.Box 80810 -Tel/Fax:01-258300- facebook-ի էջ jerak Ծրագրի թերթ



ԲՈՒ ԽՕՍԲԵՂ ԽՍ ՂՅԵՐՈՒՄ ԵՐԱԳ Է ՈՒ ԽՍ ՇԱԽՂՆԵՐՈՒՄ ԼՈՅՍ (ՍԿ.119-105)

ԺԳ. ՏԱՐԻ ԿՐԱԿԻ , 6 ՍԵՊՏԵՄԲԵՐ 2020 ԹԻՒ 36

ԿԻՐԱԿԻ ՕՐԵՐՈՒ ԱՍՏՈՒԾԱՇՆՉԱԿԱՆ ԸՆԹԵՐՑՈՒՄՆԵՐ Եւ. 13.1-11: Բ.. Կր. 7.4-16 ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԸ ԸՍՏ ՄԱՐԿՈՍԻ 7.31-37

ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԸ ԸՍՏ ՄԱՐԿՈՍԻ 7.31-37

Յիսուս Տիրոսի սահմաններէն մեկնելով, Սիդոնի վրայով անցաւ Դեկապոլիսի սահմաններէն եւ եկաւ Գալիլիայի ծովեզերքը: Եւ ահա իրեն բերին խուլ եւ համր մարդ մը խնդրելով, որ ձեռքը դնէ անոր վրայ: Յիսուս զայն ամբողջէն հեռու մէկ կողմ տարաւ, մատները անոր ականջներուն մէջ դրաւ, յետոյ թքեց եւ դպաւ անոր լեզուին: Ապա երկինք նայեցաւ, հառաչեց եւ ըսաւ. «Եփփաթա՛», որ կը նշանակէ «բացուէ՛»: Նոյն վայրկեանին անոր ականջները բացուեցան, եւ լեզուն բացուելով՝ սկսաւ կանոնաւոր կերպով խօսիլ: Յետոյ Յիսուս պատուիրեց ժողովորդին, որ ոեւէ մէկուն չըսեն: Սակայն ինչքան ալ ան կը պատուիրէր, որ չտարածէն, անոնք առաւել չափով կը պատմէին այս մասին: Մարդիկ աւելի եւս կը զարմանային եւ կ'ըսէին. «Այս մարդը ամէն ինչ լաւ կը կատարէ. տեսէք, խուլերուն իսկ լսել կու տայ եւ համբերուն՝ խօսիլ»:

«Այս մարդը ամէն ինչ լաւ կը կատարէ. տեսէք, խուլերուն իսկ լսել կու տայ եւ համբերուն խօսի» Այս վկայութիւնը արձանագրուեցաւ ժողովորդին կողմէ, որոնք ներկայ եղան եւ տեսան այն մեծ հրաշքը, որ կատարեց Յիսուս այն խուլ եւ համր մարդուն, որ իր սիրելիներու կողմէ առաջնորդուեցաւ Յիսուսի մօտ: Յիսուս ուրախութեամբ ընդառաջեց եւ կատարեց հրաշքը: Խուլը եւ համրը կը խորհրդանշէ այն բոլոր մարդիկը, որոնք ականջ ունին չեն լսեր եւ բերան ունին եւ չեն խօսիր: Բոլորս ալ հրաւիրուած ենք վկայելու Յիսուսի մասին: Վկայ դառնալու համար նախ պէտք է Յիսուսի հասնիլ եւ ապա իր անունը տարածել ամբողջ ժողովորդին: Յիսուս կը հրաւիրէ մեզի իր տուած շնորհները օգտագործելու իր փառքին համար:

**ՄԱՐԳԱՐԵԱԿԱՆ ԳԻՐՔԵՐ
ՊՕՂՈՍ ԱՌԱՔԵԱԼԻ ԵՎԱՄԱԿՆԵՐ**

Ահաւասիկ Բաբելոնի վերաբերող Տիրոջ պատգամը, որ յայտնուեցաւ Ամոսի որդի Եսայիին. Պատերազմի դրօշ կանգնեցէք մերկ լերան վրայ, ո՛վ իսրայէլացիներ, բարձրադաղակ ողջունեցէք եկող բանակները, մի՛ վախնաք, ձեռքով նշան ըրէք անոնց, որոնք կու գան Բաբելոնի վրայ:

Ինծի համար նուիրագործուած պատերազմիկներն են անոնք, որոնք եւ Բաբելոնի դէմ պիտի դրկեմ որպէսզի գայն նուանելով բարկութիւնս յագեցնեն եւ ինծի հետ ուրախանան:

Լսեցէ՛ք լեռներուն վրայ բազմութիւններու աղմուկը: Ձայնը բազմաթիւ ազգերու, ձայնը թագաւորներու եւ հաւաքուած ժողովուրդներու: Երկնաւոր Զօրքերու Տէրը ի՛նք հրամայեց սպառնալու յայս ժողովուրդներուն, որ գան հեռու երկիրներէն, հեռաւոր հորիզոններէ. եւ իր պատերազմիկներուն հետ Տէրը ինք կու գայ ամբողջ աշխարհը աւերելու:

Ողբացէ՛ք, որովհետեւ մօտ է Տիրոջ օրը, արդէն կը հասնի Աստուծոյ հարուածը:

Այդ պատճառով ալ բոլորին ձեռքերը պիտի թուլնան, մարդոց սիրտերը վախով պիտի լեցուին, իշխանները խռովքի պիտի մատնուին, ծննդական կնոջ մը պէս երկուսնով պիտի բռնուին, ամէն մարդ իր ընկերը պիտի մեղադրէ եւ ամօթէն իրենց դէմքը բոցի պէս պիտի կարմրի:

Արդարեւ ահա կու գայ Տիրոջ օրը, երբ Տէրը անողոք գայրոյթով ու սաստիկ բարկութեամբ անապատի պիտի վերածէ աշխարհը եւ անկէ բնաջինջ պիտի ընէ մեղաւորները:



**ՊՕՂՈՍ ԱՌԱՔԵԱԼԻ ԵՐԿՐՈՐԴ ՆԱՍԱԿԸ
ԿՈՐՆՁԱՑԻՆԵՐՈՒՆ
7.4-16**

Մեծ վստահութիւն ունիմ ձեր վրայ. մեծապէս հպարտ եմ ձեզմով: Մեր կրած բոլոր նեղութեանց մէջ ինքզինքս միտքաբարուած եւ մեծապէս ուրախ կը զգամ, որովհետեւ Մակեդոնիա հասնելէն ի վեր երբեք հանգիստ չունեցանք, այլ ամէն կողմէ նեղութիւն: Մէկ կողմէ արտաքին թշնամութիւնները կը նեղէին մեզ, իսկ ներքինապէս՝ մեր վախը: Բայց Աստուած, որ կը միտքարէ սրտաբեկները, Տիրոսի գալովը մեզ միտքարեց:

Ուրախացուցիչը միայն Տիրոսի գալը չէր: Ուրախացանք մանաւանդ, երբ լսեցինք թէ ի՛նչպէս գոհ մնացած էր ձեզմէ: Մեզի պատմեց, թէ անձկութեամբ կը սպասէք ինծի, թէ ո՛րքան ցաւած էք պատահածին համար եւ թէ ի՛նչպէս կապուած էք ինծի: Չէք կրնար երեսակայել որքա՛ն ուրախ եմ: Ճիշդ է, որ նամակովս քիչ մը վշտացուցի ձեզ, բայց հիմա չե՛մ գղջար ըրածիս, թէ եւ գրելու վերջ գղջացեր էի, քանի կը տեսնեմ, թէ այդ նամակս միայն կարն ժամանակ մը վշտացուցեր է ձեզի: Ուրախ եմ հիմա, ո՛չ թէ ձեզ ցաւացուցած ըլլալուս համար, այլ՝ որովհետեւ այդ տրտմութիւնը պատճառ եղաւ որ ապաշխարէք: Եւ որովհետեւ ձեր տրտմութիւնը Աստուծոյ գործին ծառայեց, եւ պէտք չունիմ այլեւ խստութեամբ գալու ձեզի:

ՇԱՐՈՒՆԱԿԵԼ ԱՍՏՈՒԱԾԱՇՈՒՆՉԷՆ

ՍՈՒՐԲԵՐ ԵՒ ՏՕՆԵՐ

**ՆԻԿԻՈՅ Ս. ԺՈՂՈՎՈՅՆ
318 ՀԱՅՐԱՊԵՏԱՅՆ**

Եկեղեցական հայրերու գումարած առաջին տիեզերական ժողովի յիշատակը, տօնի ձեւով կը կատարուի հայոց եկեղեցոյ մէջ, ինչպէս միւս երկու տիեզերական ժողովներու յիշատակը (Կ. Պոլիս եւ Եփեսոս):

Նիկիոյ ժողովը գումարուեցաւ 325 թուականին, 318 հայրապետներու մասնակցութեամբ, Կոստանդիանոս կայսեր արտօնութեամբ: Ժողովը գումարուելու շարժառիթը Աղեքսանդրիացի երէց Արիոսի հետաքրքրութիւնն էր: Արիոս կը ժխտէր Յիսուսի հաւասարութիւնը Հօր՝ Աստուծոյ հետ եւ չէր ընդուներ Յիսուսի Աստուած ըլլալը: Ըստ Արիոսին Յիսուսը պարզապէս գերմարդկային արարած մըն էր:

Նիկիոյ ժողովին Տրդատ թագաւորի եւ Գրիգոր Լուսաւորիչի կողմէն կը մասնակցէր Արիստակէս եպիսկոպոսը: Քննուեցաւ Արիոսի մոլոր ու հերետիկոսական շարժումը, դատաւարտուեցաւ անոր վարդապետութիւնը, հաստատուեցաւ ճշմարիտ դաւանանքը եւ կազմուեցաւ «Հաւատոյ հանգանակ»ը:

Նիկիոյ հանգանակը աւելի ճոխացած ձեւով կ'ըսուի եկեղեցոյ մէջ՝ պատարագի ընթացքին, աւետարանի ընթերցումէն անմիջապէս ետք: Հաւատամքի բովանդակած կէտերը իւրաքանչիւր քրիստոնեայի համար քրիստոնէական հաւատքի եւ դաւանութեան բանաձեւերն են:

Հաւատամքը կը բովանդակէ Աստուծոյ, Որդւոյ, Ս. Հոգւոյ, եկեղեցոյ, Մկրտութեան, մեղքի, մեռելներու յատուութեան, յաւիտենական կեանքի, վերջին դատաստանի, երկինքի թագաւորութեան եւ հոգիներու անմահութեան մասին քրիստոնեաներու ունեցած հաւատքն ու դաւանութիւնը:

Նիկիոյ, ինչպէս նաեւ միւս երկու տիեզերական ժողովներու յիշատակի օրը եկեղեցոյ մէջ կ'երգըւին հայրապետներու նուիրուած շարականներ, ուր անոնց ներբողը հիւսուած է որպէս հաւատքի հիմքերը հաստատողներ:

Ս. ՀՈԳԻՈՎ ԶՕՐԱՆԱԼՈՒ ԱՂՕԹՔ

Գիշեր ու ցերեկ եւ ամէն ժամ կ'աղաչենք քեզի եւ կը խնդրենք, մարդասէր Տէր: Լսէ՛ մեզ, ո՛վ Աստուած, մեր Փրկիչը. ականջդ մեզի խոնարհեցուր, որպէսպիսիս զուր տեղ չյոգնինք, այլ՝ մեր ձիգը արդարութեան գործ եւ աստուածապաշտութեան պտուղ նկատէ՛: Ընդունէ՛ մեր աղօթքն ու երկրպագութիւնը, ո՛վ Տէր, եւ քու ողորմութեամբդ հատուցանէ՛ մեզի, առատապէս: Քու ամենապօր աջիդ հովանիին տակ ծածկէ՛ մեզ, եւ Սուրբ հոգիդ պօրութեամբը պօրացու՛ր մեզ, ո՛վ Տէր: Աչքի բիբի պէս պահէ՛ մեզ եւ քու բարերարութիւնդ ցոյց տուր մեզի, որպէսպիսի քու սուրբ անունդ գովուի եւ փառաբանուի: Որովհետեւ բոլոր արարածները մշտնջենաւոր փառաբանութեամբ քու փառքը կը հիւսեն բարձունքներուն մէջ, Հայր եւ Որդի եւ Սուրբ Հոգի, այժմ եւ միշտ եւ յաւիտեանս յաւիտենից: Ամէն: